

CITES non detriment findings

Kalaallit Nunaata imartaani miluumasut
2022



**Pinngoritaleriffik,
CITES'imit Kalaallit Nunaanni
Ilisimatuussutsikkut oqartussaatisaasoq**

CITES´imi uumasogatigiit nalunaarsorsimaffiat II naapertorlugu Kalaallit Nunaannit piujuatitsiniarnermik tunngaveqartumik avammut niuerutigineqarsinnaanernik nalililersuinerit, 2022

Aallaqqaasiut

Kalaallit Nunaat CITES´imi (Convention on International Trade in Endaged Species, isumaqartoq: nunat tamalaat akornanni uumassusilinnit nungutaanissamik ulorianartorsiortitaasunit tunisassiat niuerutigineqartarnerat pillugu isumaqatigiissut) aamma "Washington Isumaqatigiissummik" taaneqartartumi ilaavoq. Isumaqatigiissut naapertorlugu nunarput pisussaaffeqarpoq CITES´ip ataani uumasunik nungunneqarnissamik ulorianartorsiortinneqartunik niueruteqarnermi maleruagassanik malinnittussaataanermik. Maleruagassat allattorsimaffinnut pingasunut immikkoortinneqarsimapput, taakkunanilu takuneqarsinnaavoq tunisassiaq uumasumit nungutaanissamik qanoq ulorianartorsiortinneqartigisumit suliaanersoq, kiisalu tamakkua niuerutigineqarnissaannut akuersissummik pissarsiniarnermi eqqussiniarnernut avammullu tunisassiarineqarnerinut atatillugu suut piunasaqaataasimanerat erseqqissumik allaaserineqarsimasussaallutik.

CITES naliliivoq uumasogatigiit **allattorsimaffik 1-itimiittut** nungutaanissamik ulorianartorsiortinneqartuusut, taamaattumillu taakkunanngaanneersunit tunisassioqassanngitsoq. Kalaallit Nunaata imartaaniittartunut miluumasunut tunngatillugu arferit angisuut tamakkerlutik, taakkunannga Kalaallit Nunaata kitaata imartaaniittartut tigaagullit minillugit, allattorsimaffik 1- miittuupput.

Allattorsimaffik 2-mi uumasogatigiit nalunaarsorsimasut nungutaanissamik ulorianartorsiortinneqartuupput, taamaammallu taakkunanngaanneersunik nunani tamalaani niueruteqartarnerit aqunneqartariaqarput. Taamaattorli taakkunanngaanneersunit tunisassiat avammut tuniniarneqarsinnaapput avataaniillu tikisinneqarsinnaallutik, pisariaqarporli NDF naliliiffigineqarsimanissaat (Non Detrimental Finding). Naliliinerup qularnaassavaa pineqartunit niueruteqarnerit uumasogatigiinnut pineqartunut peqassutsikkut ikiliartuutaanani ingerlanneqarmat. Uumasogatigiiaanut Kalaallit Nunaata imartaaniittartunut tunngatillugu Kalaallit Nunaata kitaata imartaaniittartut tigaagullit, arferit mikinerit tamarmik nannullu Allattorsimaffik 2-mi nalunaarsorneqarsimapput.

Allattorsimaffik 3-mi uumasogatigiit nungutaanissamik navianartorsiortinneqarpallaanngitsut nalunaarsorneqarsimapput, nunallu CITES´imut ilaasortaasut kissaatigippasuk nunani tamalaani niuerutigineqarsinnaanerat nakkutigineqartumik pisinnaasoq periarfissiissutigineqarpoq. Uumasogatigiit matuma ataani nalunaarsorneqarsimasut nalinginnaasumik NDF naliliiffigineqarsimangikkaluarlutik, avammut tunisassiarineqarsinnaapput aammalu tikisinneqarsinnaallutik,

Nunatta imartaaniittartunit assersuutigalugu aaveq allattorsimaffimmi 3-mi nalunaasorneqarsimavoq.

CITES'ip ataani isumaqatigiissut nunanit 200-nit ikinnerunngitsunit atsiqataaffigineqarsimavoq. Isumaqatigiissummi siunertatuaasoq tassaavoq, nunat tamalaat akornanni niueqatigiittarnerit (avammut niueruteqartarnerit), imatullu piniagaasarneranni aqunneqarnerat pineqarani.

Nunat ilaasortaasut tamarmik Allaffissornikkut Ilisimatuussutsikkullu nalilersuisartunik oqartussaasoqarput. Kalaallit Nunaanni Allaffissornikkut oqartussaasoq tassaavoq Pinngortitamut Avatangiisinullu Naalakkersuisoqarfik, taavalu Pinngortitaleriffik Ilisimatuussutsikkut nalilersuisartussatut Namminersorlutik Oqartussaniit toqqagaalluni. Taama aalajangiussineq Namminersornerullutik Oqartussat nalunaarutaanni nr. 12, 13. september 2004-meersumi uumasunit naasunillu nujuartanit il. il. avammut nioqquteqartarnerit aammalu avataaniit tikisitsisarnerit nunat tamalaat isumaqatigiissutaata 3. marts 1973-imeersup tunisassianik uumasunit naasunillu il. il. nungutaanissamik ulorianartorsiortunit niueruteqartarnerit (Washingtonkonventionen/CITES) pillugit maleruagassiaannut ilaavoq.

Non Detriment Finding, NDF

Tunisassianik avammut niueruteqarsinnaatitaanermik oqartussaasut naliliiffigineqartuneersunit akuersissuteqannginnerini Non Detriment Finding'inik nalilersuinerit ilisimatuussutsikkut akisussaasutut toqqagaasimasumit suliarineqareersimassapput.

Uumasooqatigiit miluumasut imarmiut Kalaallit Nunaata imartaani pisarineqakkajuttut tunisassianillu avammut niueruteqarsinnaanermut attuumassuteqarsinnaasartut, taamaattumillu NDF naliliiffigineqartariaqartartut tassaapput: nannut, Kalaallit Nunaata kitaata imartaaniittartut tigaagullit, qilalukkat qernertat qaqortallu, niisa, niisarnaq, aarluk aarluarsuillu. Pinngortitaleriffik uumasooqatigiit siuliani taagorneqartut pillugit ukiumoortumik nalilersuisalernikuuvoq. Taakku saniatigut Allaffissornikkut akisussaasut noqqaassuteqarnerat tunngavigalugu aarrit aamma naliliiffigineqartalernikuullutik, tassami EU-p ataani allattorsimaffik 2-mi ilanngunneqarsimammata.

Uumasooqatigiiaat allat pisarineqarpallaarneq ajortut nalilersuinernik tunngaveqartumik aammalu pisariaqartitsineq naapertorlugu naliliiffigineqartarput.

NDF nalilersuinernik ingerlatsinerni Pinngortitaleriffimmeersunit toqqammavigineqartarput maleruagassat CITES-imit innersuussutigineqarsimasut, ilaatigut Conf 16.7 COP17¹-imeersut aammalu CITES Scientific Authorities Checklist doc 11.3² naapertorlugit nalilersuisoqartarluni.

Maleruaqqusat ilaatigut makkuninnga ilaqarput:

- NDF naliliinermi ilisimatuussutsikkut ilisimasat tutsuiginarnerpaat nutaajunerpaallu toqqammavigineqassapput
- Ilisimatuussutsikkut tunngaveqartumik NDF nalilersuinermi inernerusut taamaallaat aalajangiiffigisussaavaat naliliiffigineqartumit avammut niueruteqarsinnaanerit uumasunut pineqartunut akornutaassanersut akornusiissannginnerisulluunniit naliliiffigereersimagaanni. Matumani aamma ilanngullugu uumasunik pineqartunik piniartarnerit piujuartitsiniarnermik tunngaveqartumik ingerlanneqarnerat paasinarlugu naliliiffigineqartarput

- Ilisimatuussutsikkut nalilersuisartut NDF naliliiniarnermi tunngaviginiakkat amigarpallaarnerini naliliisoqanngitsoorsinnaanera ilanngullugu aalangersinnaavaat
- Uumasogatigii pineqartut siaruarfigisimasaminniiginnarnissaat anguniagaavoq
- misissugarineqartarlutik malinnaaffigineqarnerinik tunaartaqartumik aqutseriaatsip naleqqussartuarneqarnissaa anguniarneqartariaqarpoq.

NDF nalilersuiniarnermi maleruaqqusat siuliani taakkartorneqartut assingi Canadamissaaq atortinneqarput. Kalaallit Nunaanni Canadamilu aqutseriaatsit isiginiaraanni taakku assigiinngissuteqarput. Canadami aaqqissuussineq imaappoq uumasumit tunisassarineqarsimasoq kingumullusooq uterluni uumasogatigiinnit sorlernit pisarineqarsimanagera nalunaarsueriaatsitigut paasineqarsinnaalluni. Taamaalilluni assersuutigalugu Canadami nanoqatigiiaanit aalangersimasunit NDF naliliisoqarsinnaavoq, apeqqutaatillugu piujuartitsiniarnermik tunngaveqartumik pisaasimansoq, aammali nanoqatigiiaat ilaannik naliliisoqanngitsoortoqartarpoq.

Ataatsimut isiginnineq naggasiinerlu

Kalaallit Nunaata kitaata imartaani tigaagullinniartarnerit Nunat tamalaat Arferit pillugit Ataatsimiititaliarsuata naliliinera naapertorlugu ilisimatuussutsikkut siunnersuineq malillugu aaliangersorneqartarput, taamaammallu arferit IWC´mit akisussaaffigineqartut NDF naliliiffigineqarsinnaasarput.

Qilalukkanik qernertanik qaqortanillu, aarrinik nannunillu akulikitsumik nunanit tamalaanit piumasarisat naapertorlugit ilumut piujuartitsiniarnermik tunngaveqartumik piniagaanerat paasiniarlugu nalilersuisoqartarpoq. CITES´imut atatillugu nalilersuinerni aamma piniagaanerisa piujuartitsiniarnermik tunngaveqartumik ingerlanneqarnerat paasiniarlugu ukiumoortumik nalilersuisoqartarpoq. Uumasogatigiit 2022-imi NDF naliliiffigineqartut tassaapput qilalukkat qaqortat aarrillu, kisiannili naliliiffigineqanngitsoorput qilalukkat qernertat nannullu. Taamaattoqarneranut qilalukkat qernertaqatigiiaanut sisamanut tunngatillugu (Kangerlussuarmi (Qaanaap), Qimusseriarsuarmi, Ittoqqortoormiini Tasiilamilu) pisassiissutinik sippuisimaneerit aammalu maannaagaallartoq Kalaallit Nunaanni Tunup imartaanut tunngatillugu nannut pillugit biologit siunnersuinikuunnginnerannik peqquteqarput.

Niisat pillugit nunanit tamalaanit ilisimatuussutsikkut siunnersuineq suillerpaaq 2019-imi pivoq. Taamaattorli niisat NDF akuersisummik tunineqarsinnaasimangillat, piniagaanerat piujuartitsiniarnermik tunngaveqangimmat. Arfernut mikinernut allanut tunngatillugu ilisimatuussutsikkut siunnersuisoqarsinnaasimangilaq, piniagaasarnerisa piujuartitsiniarnermik tunngaveqartumik ingerlanneqarnerat misissuiffigineqarsimangimmat, taamatullu ilisimatuussutsikkut toqqammavilerneqarsinnaanngikkaangata NDF akuersisummik tunineqarsinnaaneq ajorput.

2022-imi NDF-naliliinerit atortinneqartussat allattorsimaffiat. Grøn = NDF Rød = Ingen NDF
(Qorsuk = NDF akuerisaasoq) (Aappaluttoq = NDF akuerisaanngitsoortoq)

NDF aalajangersakkat 2022-mmi atortinneqartussat.

Nunatta kitaata imartaani tigaagullik	Qilalugaq qernertaq	Qilalugaq qaqorta
Arferit mikineit allat ³	Aaveq	Nanoq

in, grindehval, hvidnæset delfin og spækhugger

¹ <https://cites.org/sites/default/files/document/E-Res-16-07-R17.pdf>

² <https://cites.org/eng/cop/11/info/03.pdf>

Tunuliaquttat

Kalaallit Nunaanni piujuartitsiniarnermik tunngaveqartumik ingerlatsisoqarnera paasiniarlugu naliliineq siullesq 2006-imi pivoq. Taamanikkut NDF naliliisoqarsinnaasimangilaq, kisiannili qilalukkanik qernertarniartarnerit 2009-mi NDF naliliiffigineqarsimapput. Qilalukkat qaqortat, aarrit nannullu pillugit naliliinerit siulliit pipput 2007-imi, taamani nannut aarillu NDF-ilerneqanngitsoorput qilalukkalli qaqortat NDF-ilerneqarlutik. Aarrit 2011-mi naliliiffigeqqinneqarmata NDF-ilerneqarput, 2015-imi aamma akuersissuteqarfigineqaqqillutik. Qilalukkat qaqortat 2016-imi NDF-ilerneqarput, taamatut aamma Kalaallit Nunaata kitaata imartaaniittartut tigaagulliit angusaqarlutik, akerlianik nannut, aarrit, qilalukkat qernertat, niisat, niisarnat, aarluarsuit aarluillu NDF-ilerneqanngitsoorput. Aarrit 2017-imi NDF-ilerneqarput.

Nalilersuisarnerit tamakku 2015 tikillugu suliarineqartarput, Kalaallit Nunaanni Namminersorlutik Oqartussat imissuteqartarnerat aallaavigalugu, taamaaliortarnerillu aalaakkaasuunngitsumik nutarterneqartarsimapput. Pinngortitaleriffilli 2016-imiit NDF-imik nalilersuisarnernut tunngatillugu ukiut tamaasa nutarterneqartartussanngorlugit aaqqiissuteqarpoq, taamaaliornikkut pissutsinut piviusunut naleqqussarnerunissaq anguniarneqarluni. Tamatuma saniatigut aamma arfeqatigiiaanut mikinerit sisamanut piniarneqartartunut tunngasut naliliiffigineqartalerput, naak manna tikillugu taakku piujuartitsiniarnermik tunngaveqartumik piniarneqarnerat qulakkeerniarlugu akuttunngitsumik naliliiffigineqartanngikkaluartut. Arferit mikinerit uani pineqartut tassaapput: niisa, niisarnaq, aarluarsuk aamma aarluk. Taakkuninnga piniartarnerit aqutsivigineqanngillat, kiisalu pisaasartut amerlassusiannik nalunaarutiginnittarnerit nangaanartortaqaqarlutik. Aamma taakkua kisinneqarneq ajorput kiisalu nunat tamalaat ilisimatuussutsikkut suleqatigiiffiini nalilersuiffigineqartaratik. Taamaattumik killiffiannut tunngassuteqartut nangaassutissartaqaqtupilussuupput aammalu ilisimatuussutsikkut tunngavissagissaartoqanngimmat NDF naliliiffigineqarsinnaasimangillat. Niisannut tunngatillugu siunnersuineq siullesq 2019-imi pivoq, siornalu immikkoortillugit siullerpaamik naliliiffigineqarput.

Siusinnerusukkut naliliisarnerni pissutsit assigiinngitsut uumasogatigiiaanit assigiinngitsunit avammut niueruteqartarnerit attuumassuteqartut nalilersuiffigisarsimavagut. Qilalukkanik qernertanit, nannunit aavernillu tunisassianik avammut niueruteqartarnerit sunniuteqartarsimasinnaanerit assortorneqarsinnaasorinangilaq, tassami taakkunanga tunisassiat nunattalu avataanut niuerutaasartut aningaasaqarniarnermut pingaaruteqartuummata. Tassa imaappoq, tamakkiisumik pisat amerlassusiat piujuartitsiniarnermik tunngaveqartumik ilumut pisaasimanerat paaseqqaarlugu aatsaat akuersisoqarsinnaanera naliliiffigineqartarpoq. Qilalukkanik qaqortanit arfernillu mikinerit allaneersunit tunisassiassanik nerineqarsinnaasunik nunatta avataanut niueruteqartarnerit aarleqqutissartaqarsinnaanerit ilimanangilaq. Taamaattorli uumasogatigiinnut tamanut tunngatillugu piujuartitsiniarnermik tunngaveqartumik iluaqutigineqarnissaannik nalunaarut naapertorlugu aalajangerpugut uumasogatigiiaat naliliiffigineqartut Kalaallit Nunaanni iluaqutigineqarnerat piujuartitsiniarnermik tunngaveqartumik ingerlanneqartillugu akuersisoqartassasoq.

Piujartitsiniarnermillu tunngaveqartussaataitaanermik pisussaataitaaneq uumasogatigiinnut CITES ataani maleruaqqusat naapertorlugit nalilersuiffigineqartartunut tamanut tunngatinneqarpoq, imaalerluni uumasogatigiit naliliiffigineqartut piujartitsiniarnermik tunngaveqartumik Kalaallit Nunaanni piniagaasimappata taava pineqartut NDF-lerneqarsinnaalersarput, tassa naliliiffigineqaaqartarlutik.

Piujartitsiniarnermik tunngaveqartumik ingerlatsisoqarnera paasiniarlugu misissuuitsinni qinerparput pisaasartut tamakkerlutik amerlassusiat eqqarsaatigalugit ilisimatuussutsikkut siunnersuisarnerit IWC-mit, NAMMCO-mit⁵, JCNB-mit⁶, JCPB- mit⁷, IUCN/PBSG-imillu⁸ innersuutigineqartutuut ilumut amerlassuseqarnersut misissuiffigisassallugit. Oqarutta ukiumi x-imi uumasogatigiit piujartitsiniarnermik tunngaveqartumik piniagaasimanerisa naliliiffiginiarnerini taava, biologit siunnersuisimanerat kingullerpaaq atatsimiititaliarsuarmut saqqummiunneqarsimasoq toqqammavigineqartariaqartassaaq (matumani apeqqutaatinneqassanngilaq ataatsimiititaliarsuup saqqummiunneqartoq akuerisimaneraa imaluunniit naagga, kiisalu aalajangiiniarnermi apeqqutaatinneqarneq ajorpoq ataatsimiititaliarsuaq pineqartoq aqutsisinnaataitaanersoq imaluunniit aqutsisinnaataitaannginnersoq), apeqqutaalersorlu ataasituaavoq - tassalu siunnersuinerup ukiumi pineqartumi juunip naannginnerani saqqummiunneqarsimanissaanik piumasaqaat. Aalajangiussarli tamanna uumasogatigiinnut upernarnerinnaani piniarneqartartunut tunngatinneqanngilaq (aarrit Kalaallit Nunaata kitaani). Ukiup sinnerani piniarneqarsinnaasartut eqqarsaatigalugit siunnersuineq ukiup X-ip naannginnerani saqqummiunneqareertarsimassaaq.

Nalilersuinerni taakkunani uumasut piniarnermi annaasaqaataasartut amerlassusiat ilanngunneqartarput. Piniagassanut tunngatillugu pisassiissutigineqarsinnaasunik innersuussuteqarnerni annaasaqaataasartut ilanngaatigineqartarput imaattumillu nalunaarsorneqartarlutik *, uffa tamakkiisumik peqassutsimit ilanngaatigineqarsinnaasunik siunnersuisoqartartoq, tassani ilanngaataasut imaattumik * nalunaarsorsimaneqarneq ajortut. Qilalukkat qaqortat aamma qernertat aarrillu piniagaaneranni annaasaqaataasartut amerlassusiannik tutsuiginaatilinnik maannaagallartoq annertussusiliisoqarnikuunngimmat, ilisimatusartartut ukiut tamaasa peqassutsinik naatsorsuusiortarnerminnut %-imik aaliangersimasumik peqassutsimit annaasaqaataasimasut nalilikkamik ilanngaassuteqartarput. Siunnersuineranut tunuliaqutaasut paasiniarnerini kisitsisit annaasaqaatit atorneqartartut %-ingortinneqarnerat assigiissut atorneqartarnissaat pingaartuuvoq. Tamanna peqquteqarpoq ukiuni kingumut qiviarluni annaasaqaataasarsimasut amerlanaagaasarsimagunik, taamaalillunilu kisitsit ilanngaataasartoq qaffasippallaalerluni aamma tamanna siunissamat isigaluni piujartitsiniarluni aqutsiniarnermut akornutaalersinnaammat.

³ Niisa, niisarnaq, aarluarsuk aarlullu

⁴ Nunat tamalaat Arfnniartarnerit pillugit Ataatsimiititaliarsuat

⁵ Atlantikup Avannaani Imaani Milluuumasut pillugit Ataatsimiititaliarsuaq

⁶ Canadap – Kalaallit Nunaatalu qilalukkat qernertat qaqortallu pillugit atatsimiititaliarsuat

⁷ Canadap Kalaallit Nunaatalu Nannut pillugit Ataatsimiititaliarsuat

Annaasaqaataasartut %- inngorlugit inissinneqarneqartarnerat oqallisigineqarsinnaavoq, pingaaruteqartuuvorli uumasooqatigiit piniagaanerisa piujuartitsiniarnermik ilangullugu aamma pisassiissutit avataanni piasisimasat, assersuutigalugu nannut imminut illersorniarluni toquttariaqarsimasat, imaluunniit arferit assersuutigalugu arnarlunniutinut nernguttoorsimasut eqqarsaatigalugit. Arferit sassaallutik annaasaqaataasartut ilanngunneqarnikuunngillat, tassami pissusissamisoortumik toquinnartussatut isigineqarmata.

Ilisimatuussutsikkut siunnersuinerimi piujuartitsiniarnermik tunngaveqartumik piniarnerit isigineqakkajulluni aallaavigineqartarpoq ukiumut agguaqatigiissillugu pisat amerlassuserisinnaasaannik inissiisarnerit (assersuutigalugu ukiunut tallimanoortunngorlugi), taamaalilluni ukiumut piasineqarsimasut amerlassusiat tassanga nikingavallaartaralik. Tamanna aamma ukiumoortumik pisassiissutigineqarsimasut amerlassusiannit nikingavallaarneq ajorpoq. Imaalluni ukiut ilaanni ukiumut pisassiissutigineqartut sipporlugit pisaqartoqarpat, taava sippuissutaasut amerlassusiat ukiuni tulliuuttuni pisassiissutigineqartussanit ilanngaatigineqarsinnaalernikuupput aammalu akerlianik pisassiissutigineqartut tamakkerneqarsimannginnerini ukiuni tulliuuttuni pisassat ilaneqarsinnaalerlutik. Tamatumani neriuutigineqarluni Fra: Jørn Skov Nielsen <jsn@amasa.gl> piasisimasat amerlassusiisa ukiumiit ukiumut nikerartissinnaanerit periarfissiissutigineqarluni, taamaalilluni pinngitsoorani ukiut tamaasa NDF naliliisussaataitaanermik piuraaqaat pinngitsooranivik pisussaajunnaarluni.

Taamaattumik toqqarparput ukiuni pingasuni pisarineqartartut piujuartitsiniarnermik tunngaveqartumik pisaasimanerat paasiniarlugu naliliisassalluta. Imaattassalluni, ukiuni pingasuni pisarineqarsimasut NAMMCO'p, JCNB'p, IUCN/PBSG'llu ataannit ilisimatuussutsikkut siunnersuinerit pillugit amerlassuseqakanneraangata (sippornagit) taava piffissami pineqartumi NDF naliliiffigineqartassallutik.

Naggataagut uumasogatigiikkuutaartumik NDF naliliisoqartarnissaa erseqqissaatigissavarput, imaassallunilu Nunarput tamakkerlugu pisassiissutigineqarsimasut katillugit amerlassusiat aatsaat sipporneqannginneranni NDF naliliisoqartassasoq. Uumasogatigiit Canadalu aveqatigiiffigisartakkavut pineqartillugit Canadameersut pisisartagaat (aamma annasaqaatigisimasaat eqqarsaatigalugit) aamma ilanngunneqartarput.

Qilalugaq qernertaq

Kalaallit Nunaata kitaata imartaani qilalukkat qernertat pisarineqartartut NAMMCO`p JCNB`llu siunnersuisarnerisa ataanni inissisimapput. Tunulli imartaani qernertartarineqartartut NAMMCO`p 2018-imi/2019-imilu siunnersuineranni nalilersorneqarput (2017 ukiumoortumik nalunaarut), 2020-mili aammalu 2021-mi spisarineqarsimasut 2019-imi siunnersuinermit sanilliunneqartarlutik nalililersorneqarput.

Piniarnermit nalunaarsuutini piniarnermut atatillugu annaasaqaataasimasut (kivisiinnakkat) pisatut ilanngunneqarlutik nalunaarutigineqartarsimanersut ilisimangilarput, taamaaliortoqartarsimanissaalu ilimagineqanngilaq. Ilanggullugu tassunga tunngatillugu siunnersuinerit sumiiffinni assigiinngitsuni pisassiissutigineqarsinnaasut naatsorsuusiorfigineqarnerini sumi pisaqartarsimanerit aammalu qilalukkat qernertat nunatta kitaata Canadallu sineriaanit suminggaanneersuunerat isiginiarlugit suliarineqartarmata. Taamaalilluni NDF naliliinermi Canadami pisarineqarsimasut amerlassusiat isiginiarneqassanngillat, ilisimatuussutsikkummi siunnersuisarnerni naatsorsuusiornerataani taakku ilanngunneqartarmata.

Kalaallit Nunaanni qilalukkanut qernertanut tunngatillugu ataatsimut isiginnilluni taakkunannga pisunit NDF naliliisoqarsinnaasimanngilaq, tassa Qaanaap eqqaani Kangerlussuarmi, Qimusseriarsuarmi, Ittoqqortoormiini Tasiilamilu pisaasimasut sumiiffinni taagorneqartuni pisarineqarsimasut siunnersuinerit innersuussutigineqartunit amerlanerusarsimammata.

Etah	Pisat nalunaarutig ineqart.	Pisat Nalunaarutigi neqanngit.	7.5% Anna asat	Pisat allat	Tam akk.	Siunners.
2019	7	0	1	0	8	5
2020	2	0	0	0	2	5
2021	3	0	0	0	3	5
Katillugit	12	0	1	0	13	15

Kangerlu ssuaq (Qaana.)	Pisat nalunaaruti gineqart.	Pisat Nalunaarutigi ineqanngi t.	7.5% Anna asat	Pisat allat	Tam akk.	Siunners.
2019	149	0	11	0	160	98
2020	91	2#1	7	0	100	98
2021	91	1#1	7	0	99	98
Katillugit	331	3	25	0	359	294

#1: Unioqutitsilluni pisaq

Qimusse-riarsuaqa	Pisat nalunaaruti gineqart.	Pisat Nalunaarutigi neqanngit.	15% Anna asat	Pisat allat	Tamakk.	Siunners.
2019	103	0	15	2 ^{#1}	120	70
2020	61	0	9	0	70	70
2021	70	0	11	0	81	70
Katillugit	234	0	35	2	271	210

#1:Pisarisuukkat

Uummannaq	Pisat nalunaaruti gineqart.	Pisat Nalunaarutig ineqanngit.	15% Anna asat	Pisat allat	Tamakk.	Siunners.
2019	148	0	22	0	170	154
2020	16	0	2	0	18	154
2021	143	0	21	0	164	154
Katillugit	307	0	45	0	352	462

Qeqertars. Tunua	Pisat nalunaaruti gineqart.	Pisat Nalunaarutig ineqanngit.	15% Anna asat	Pisat allat	Tamakk.	Siunners.
2019	53	0	8	0	61	97
2020	68	0	10	0	78	97
2021	92	0	14	0	106	97
Katillugit	213	0	32	0	245	291

Ittoqqortoormiit	Pisat nalunaaruti gineqart.	Pisat Nalunaarutig ineqanngit.	15% Anna asat	Pisat allat	Tamak	Siunners.
2019	57	0	9	0	57*	10*
2020	36	0	5	0	41	0
2021	2	0	0	0	2	0
ialt	95	0	14	0	109	12

Tasiilaq + Kangerlussuaq	Pisat nalunaaruti gineqart.	Pisat Nalunaarutig ineqanngit.	15% Anna asat	Pisat allat	Tamak	Siunners.
2019	21	0	3	0	21*	10*
2020	21	1 ^{#1}	3	0	25	0

2021	18	0	3	0	21	0
Katillugit	60	1	9	0	70	12

#1: Unioqqutitsilluni pisat

Qilalugaq qaqorta

Qilalugarni arnermut tunngatillugu pisassiisutigineqarsinnaasutut innersuussutigineqartut NAMMCO/JCNB'llu 2015-imi siunnersuineranneersuupput, siunnersuinerlu 2018-imi uteqqinneqarpoq. Kalaallit Nunaata Kitaata imartaani pisassiisutigineqarsinnaasutut siunnersuinermi innersuussutigineqartunut annaasaqaataasartutut agguaqatigiissillugu pisat nalunaarutigineqarsimasut 8,5 %-iattut missiliuunneqarsimasoq, taannalu ukiuunerani piniarnissanut tunngatillugu siunnersuineri ilanngunneqartarpoq. Tamaammat matumani NDF naliliinermi Canadami pisarineqarsimasut ilanngunneqanngillat. Qaanaami ukiuunerani qilalugarni arnerit piujuartitsini arnermik tunngaveqartumik ingerlanneqarput, tassa maannakkut pisarineqartartut amerlassusiisa missaanniitinneqartarpat.

Pisarineqarsimasutut nalunaarutigineqartut akornanni annaasaqaataasimasut qanoq amerlatiginerat ilisimaneqanngilaq, uanilu aallaaviuvoq ilanngunneqannginnissaat.

Kalaallit Nunaanni qilalukkanut qaqortanut tunngatillugu NDF naliliisoqarpoq, taakkunannga siunnersuinermi innersuussutigineqartunit aammalu annaasaqaataasussatut naatsorsuutigineqartut ilanngullugit imartatsinni qilalukkat qaqorta qatigiiaanut tamanut tunngatillugu pisarineqartartut ikinnerusarmata.

Kalaallit Nunaata kitaata imartaa	Pisat nalunaarutigineqart.	Pisat Nalunaarutigineqanngit.	7.5% Anna asat	Pisat allat	Tamak Siunners.	
2019	160	0	14	0	174	320
2020	177	1 ^{#1}	15	0	193	320
2021	297	3 ^{#1}	26	0	326	320
Katillugit	634	4	55	0	693	960

#1: uniuqutitsilluni pisat

Qaanaaq	Pisat nalunaarutigineqart.	Pisat Nalunaarutigineqanngit.	7.5% Anna asat	Pisat allat	Tamak Siunners.	
2019	105	0	5	0	110	pinigaane rat ok
2020	12	0	1	0	13	pinigaane rat ok
2021	9	0	0	0	9	pinigaane rat ok
Katillugit	126	0	6	0	132	pinigaane rat ok

Niisa

Kalaallit Nunaata imartaaniittartut niisat pillugit siunnersuineq siulleg pivoq NAMMCO-miit 2019-imi siunnersuisoqarmat. Siunnersuinerup eqikkarneraa niisat ukiumut pisarineqartartut 2.900-t qaangertangippatigit, taava niisanniartarnerit piujuartitsiniarnermik tunngaveqartuunissaat naatsorsuutigineqarsinnaalluni. Niisanniartarneriilli nalunaarsuisarnerit piumasarineqartut naapertorlugit ingerlanneqartarsimangimmata naggataagut NAMMCO aalajangiivoq pisaasartunit annaasaqaataasartut missiliuussinerit ilanngullugit ukiumut pisassiissutigineqarsinnaasut 2.629-iunut apparneqarsinnaasut. NAMMCO-p ilisimatuussutsikkut ataatsimiititaliaa kingornagut naggasiivoq kisitsit inernerusoq 1.869-inut ukiumut niisat tulaassatut naleqassasut. Kalaallit Nunaata imartaani niisanniartarnerit killilersugaanngillat, kisiannili agguaqatigiissillugu pisaasartut 2018-imiit 2020 ilanngullugu amerlassusiat qiviaannarlugu 2.967-iusarnerisa NDF naliliisoqannginnissaanik aalajangiivoq.

Aaveq

Siunnersuinerit atorineqartussat makkuupput: Qaanaaq 2015-imit siunnersuineq (2014 ukiumoortumik nalunaarut) 2019-imilu siunnersuineq toqqammaviupput (2018 ukiumoortumik nalunaarut). Kalaallit Nunaata Kitaata imartaani 2014-imi siunnersuineq toqqammaviuvoq (ukiumoortumik nalunaarut 2013). Tunup imartaanut 2014-imi 2019-imilu siunnersuisimanerit toqqammaviupput. Total removal siunnersuineri Kalallit Nunaata kitaanut tunngatillugu canadarmiut tamaani aaffattarisartagaat ilanngunneqarput, kisiannili pisarineqarsinnaasunik siunnersuusiornerni Kalaallit Nunaannut pisanik tulaassisarnernut tunngalluni.

Piniarnernik nalunaarsuutini annaasaqaatigisimasat qanoq annertutigisumik ilanngunneqartarsimanerat ilisimaneqanngilaq. Kalaallit Nunaanni aaveqatigiiaanut tamanut tunngatillugu NDF naliliisoqarpoq, pisarineqarsimasummi naatsorsuutigisamillu annaasaqaataasimasut amerlassusiat kattukkaanni pisassiissutigineqarsinnaasutut innersuussutigineqartunit ikinnerunissaat naatsorsuutigineqarmat.

Qaanaaq	Pisat nalunaaruti gineqart.	Pisat Nalunaarutigi neqanngit.	Canadami pisat	15% anna asat	Pisat allat	Tamak.	Siunners.
2019	46	0	-	7	0	46	79*
2020	21	0	-	3	0	21*	79*
2021	48	0	-	7	0	48*	79*
Katillugit	115	0	-	17	0	115	237*

Kalaallit Nunaata kitaa	Pisat nalunaaruti gineqart.	Pisat Nalunaarutigi neqanngit.	Canadam i pisat	15% anna asat	Pisat allat	Tamak.	Siunners.
2019	61	0	25	13	0	99	100
2020	75	0	-	11	0	75*	74*
2021	67	0	-	10	0	67*	74*
Katillugit	203	0	25	34	0	262	270

Tunup imartaani	Pisat nalunaaruti gineqart.	Pisat Nalunaarutigi neqanngit.	11,5% annaa sat	Pisat allat	Tamak. / Pisat*	Siunners.
2019	7	0	1	0	7*	17*
2020	8	0	1	0	8*	17*
2021	12	0	1	0	12*	17*
i alt	27	0	3	0	27*	51*

Nanoq

Nannunut tunngatillugu siunnersuineq 2017-imeersoq KaneBasen'imut (KB) Baffin Bugt'imullu (BB) atortinneqarpoq, nanoqatigiaanulli Tunumiittartunut siunnersuisoqanngilaq. Nannunik Davis Strædemiittartunik 2007-imi kisitsisoqarmat tamaani nanoqarluartoq peqassuserlu aalaakkaagunartumik inissisimasoq paasineqarpoq, siunersuinermilu pisarineqartartut ukiuni makkunani pisarineqartartut amerlassusiattut iinnarpata, piniagaanerisa piujuartitsiniarnermik tunngaveqarsimanissaat ilimagineqarpoq. Naak tamaani nannuttassiissutit Canada'mik aveqatigiissutigineqartaraluartut piniagaanerisalu piujuartitsiniarnermik tunngaveqartutut isikkoqaraluartoq, taammaattoq pissusissamisoorumik siunnersuisoqarsimannginnera peqqutaalluni nannut tamaaniittartut NDF'ilerneqarsinnaanngillat. Nannunilli Kane Basin'imeersunit, Baffin Bugt'imeersunillu tunisassiat sumi pisaasimanerat uppersarneqarsinnaagaluarpata taava NDF'ilerneqarsimassagaluarput.

Ataatungaani tabel'ini takuneqarsinnaavoq Kalaallit Nunaata kitaani Canada'llu killeqarfiata iluani pisarineqarsimasut allallu pisat (soorlu imminut illersorniarluni pisisariaqarsimasat) amerlassusiat ulluni 1. Juulimiit 31. Juunip tungaanut naatsorsorneqartarmata

Kane Basin	Pisat nalunaarutig ineqart.	Pisat Nalunaarutigineq angit.	Canadami pisat	?% anna asat	Pisat allat	Tamak.	Siunners.
2019	4	0	0	-		4	10
2020	10	0	0	-		10	10
2021	7	0	0	-		7	10
Katillugit	21	0	0	-	-	21	30

Baffin Bay	Pisat nalunaaruti gineqart.	Pisat Nalunaarutig ineqanngi t.	Canadami pisat	15% anna asat	Pisat allat	Tamak	Siunners.
2019	75	0	73		3	151	160
2020	70	0	74		3	147	160
2021	77	0	68		0	145	160
Katillugit	224	0	215		6	443	480

Davis Strait	Pisat nalunaaruti gineqart.	Pisat Nalunaarutigi ineqanngit.	Canadami pisat	15% anna asat	Pisat allat	Tamak Siunners. .	
2019	1	0	62	-	0	63	Fangst ok
2020	3	0	64	-	3	70	Fangst ok
2021	2	0	49	-	0	51	Fangst ok
Katillugit	6	0	175	-	3	184	Fangst ok

Tunup imartaa	Pisat nalunaaruti gineqart.	Pisat Nalunaarutigi neqanngit.	Canadami pisat	15% annaasat	Pisat allat	Tamak. Siunners.	
2019	64	0	-	0	64	Ingen	
2020	71	0	-	4	75	Ingen	
2021	51	1 ^{#1}	-	0	52	Ingen	
Katillugit	186	1	-	4	191	Ingen	

#1:Ulovlig fangst